

UMUCCO

Journal d'Informations Générales

N° 45

12-27 Werurwe, 2008

Ikiyuzi: 400 Frw, 1000 Ush Euro 1



U Rwanda, igihugu kitagira ubutabera!

Urup. 11



Ivugururwa rya guverinoma

Urup. 13




Portrait Barack Obama
Urup. 15



Kagame mu mahurizo 3 y'ibihe bya nyuma

Reba urup. 4-12



Iby'Abasipanyolo 9, RDF n'Inkotanyi bashinjwa kwica

Nyuma y'aho umucamanza w'Umwesipanyolo, Fernando Andreu, ashingiyeye ku kirego cyatanze abomumiryangoyabo, ashiriyeye ahagaragara icyegeranyo cy'ibyavuye mu iperereza ry'iyiwe ry'Abihayimana 9 b'Abasipanyolo baguye mu karere k'Ibyiyaga Bigari, hagati ya 1994 na 2002, ashinje ko Inkotanyi n'ingabo za RDF 40 ari zo zabishye, yahise afata n'icyemezo cyo gukurikirana n'ubundi bwicanyi bwakorewe no muri Repubulika Ihariyira Demokarasi ya Congo.

Impapuro Fernando Andreu yasohoye arangije iperereza, mu ijwi (Avocat waharegaga) ryumvikaniye mu kiganiro cyahise kuri radiyo B B C, yemeje ko abagomba gufatwa bagafungwa n'uko yabitegetse ari aba ofisiye 40 bo mu ngabo za RDF.



Izi mpapuro zo guta muri yombi aba basirikare bakuru b'u Rwanda zikaba zije zikurikira iz'umucamanza w'Umufaransa Jean-Louis Bruguière, nazo zasabaga guta muri yombi abasirikare 9 na bo barimo n'umukuru w'igihugu, Paul Kagame.

Reba urup. 8

Reba urup. 7

Musoni Thaddee asebeje Ndamage Eliab

Hashize igihe hano mu muji wa Kigali havugwa inkuru igayitse y'umucuruzi Musoni Thaddee wahemukiye umuryango wa Ndamage Eliab, se umubyara, akubira umutungo yamusiye gucunga, kugeza n'aho afashe icyemezo kigayitse cyo kwambura nyina umubyara uburenganzira ku mutungo w'umugabo bashakanye. Yabikoze yiyibagije ko Nyirabizimana Ndamage Zillpa, nyina umubyara, afite uburenganzira buhwaye na 50% ku mutungo wose yahahanyeye n'umugabo we, Ndamage Eliabu, witabye Imana iyo mitungo ayimusigiyeye kandi barayishakanye. None umuhungu yiyariye, akaba atamuha n'iritoboye bitewe ahanini n'uko yamwubitshe urusyo, akamusinyisha inyandiko y'impimbano imwegurira uwo mutungo. Kandi mu by'ukuri uwo mukucuru arashaje cyane (afite imyaka hafi 80), ku buryo atari gutahura ayo manyanga ya Musoni Thaddee. Aha rero ni byo bituma abuziranye.

Reba urup. 10

Kugenzura imikoreshereze y'imari ya Leta ntaho bitaniye no gutokora ifuku

Bigiye kuba akamenyero ko Umugenzuzi Mukuru w'imari ya Leta ageza ku Nteko Ishinga Amategeko, imitwe yombi iteranye, raporo igaragaza ifoto y'ukutungo wa Leta y'umwaka uba urangiye. Ibi abikora yishingikirije Itegeko Nshinga, mu ngingo zaryo, iya 183 n'ya 184,

Muri iyi nyandiko turibanda kuri raporo y'uyu mwaka w'2006 nk'uko yagejejwe ku Nteko Ishinga Amategeko ku wa 3 Werurwe 2008. Raporo ya 2006 ariko ntaho itaniye n'izindi zayibanjirije, kuko amakosa akiri menshi kandi igitangaje, ibigo cyangwa imishinga bivugwa mu maraporo ni byo bikomeza kugaruka.

Iby' Abasipanyolo 9, RDF n' Inkotanyi bashinjwa kwica



UKO MBITONA
na
Bizumuremyi Bonaventure



Bishwe bari mu bikorwa by'ubutabazi n'ivugabutumwa. (Photo/ Archive)

Mu gihe rero u Rwanda rwarimo ruhanganen' ikibazocy'umucamanza w'Umufaransa, rugaragaza ko yakoreshejwe mu nyungu za politiki, bitari byacyemuka, kuko u Rwanda rwemezaga ko Ubufaransa bwagize uruhare muri Jenocide yakorewe Abatutsi, Fernando Andreu yahise yongerera ibibazo mu gihe n'ibindi byari bitari byacyemuka, kuko u Rwanda n'Ubufaransa byarimo biryaryana, mu gihe Jean Louis Bruguière we, ibyo yakoze yabikoze!

Kuva aho inkuru ibereye komomo, Minisitiri w'Ubutabera w'u Rwanda, Tharcisse Karugarama, ngatagariza kuri radiyo zo mu Rwanda na BBC ko uriya mucamanza wo muri Espagne ari umusazi ndetse akanizeza Abanyarwanda ko ibyo yakoze nta gaciro bifite, cyane nko Umwepanyolo wishwe, uwamwishe afunze, byatumye bamwe mu bakunzi b'ikinyamakuru UMUCO badusaba kubagezaho amazina y'Abasipanyolo bishwe.

Igihe bapfiriye n'aho bapfiriye

Nk'uko bigaragazwa n'amaperereza y'umucamanza Fernando Andreu, ku wa 26 Mata 1994, babayeho ishimutwa, irigiswa n'urupfu rw'agashinyaguru rwa Joaquim Vallmajo Sala, mu majyaruguru y'u Rwanda, aha hoze hitwa I Byumba. Uyu mumsiyoneri (missionnaire d'Afrique) akaba yaravukiye i Navata (Gerone), ku wa 21 Gicurasi 1941. Yatangiye kuba misiyoneri mu Rwanda kuva ku wa 27/06/1965. Mu mirimo yakoze, harimo no kuba yarayoboye komite y'amajyambere guhera muri Gicurasi 1991, akaba yaritaga cyane mu gufasha abavanywe mu byabo n'intabara ya FPR. Inkotanyi n'aba ex-FAR. Ku bamuzi, yarangwaga cyane no guharanira

uburenganzira bwa muntu cyane cyane abaturage batagira kiyurira. Joaquim yagaragaye cyane muri za raporo yagiye ageza kuri Kiliziya Gatolika n'imiryango mpuzamahanga iharanira uburenganzira bwa muntu (Amnesty International). Bivugwa ko ku wa 25/04/1994, yagiye kubonana n'ingabo za APR (Armée Patriotique Rwandais) ngo ashaka kurengera abaturage zari zafashe. Bukeye bw'aho nk'uko byemezwa n'iperereza ry'umuzamanza Fernando Andreu, ku wa 26/04/1994, saa munani n'iminota 40 z'amanywa, Joaquim yatwawe n'abasirikare ba APR. Kugeza n'ubu n'umurambo we ntaboneka. Iyicwa ry'abafurere marisiti (maristes) ari bo: Servando Mayor Garcia, Julio Rodriguez Jorge, Miguel Angel Isla Luciono na Fernando de la Fuente, bikaba byemezwa ko bose bakoraga ibikorwa by'ubutabazi mu nkambi z'impunzi muri Congo. Ubuho imiryango yose yakoraga bene ibyo bikorwa yabihagarikaga ahagana mu Kwakira 1996, kubera ibibazo by'umutekano mu ntamba yashojwe n'ingabo za APR, ubwo zafataga icyemezo cyo kujya gusenya inkambi z'interahamwe. Muri icyo ntamba kandi APR Inkotanyi zikaba zafatanyije na AFDL (Alliance des Forces Démocratiques pour la Libération du Congo-Zaïre). Aba bafurere b'Abamarisiti bo, uko ari 4 bagumanye n'impunzi zisaga ibihumbi 30 mu nkambi ya Nyamirangwe, bazifashe. Nk'uko bivugwa muri iryo perereza, ku itariki ya 30/10/1996, abo Bihayimana bafashe icyemezo cyo gutabariza izo mpunzi, kuko zari zuzarijwe n'imirwano. Uko gutakamba kwabo baguhereye ku kiganiro bahaye radiyo yo muri Espagne COPE, basaba ko impunzi zatabarwa kuko zari zuzarijwe n'imirwano. Umunsi ukurikiyeho, ku wa 31/10/1996, bose

uko ari 4 bishwe urubozo, imirambo yabo ijugunywa mu rwobo rwa metero 12, kuri metero 50 z'aho babaga! Imirambo yabo yaje gushyingurwa i Nyangezi nyuma mu cyubahiro. Abasirikare 40 ba RDF kandi bakurikiranywe n'umucamanza wa Espagne, arabarega kuba bamwe muri bo bagize uruhare mu iyicwa ry'abakozi b'umuryango w'Abaganga ku isi (Medecins du Monde-Espagne). Bakaba barishwe ku wa 18 Mutarama 1997, bicirwa mu cyahoze ari intara ya Ruhengeri mu majyaruguru y'u Rwanda.

Dore amazina y'abishwe n'umwirondor wabo:

Frois Sirera Fortuny, yavukiye i Tremp (Lleida), ku wa 25 Mata 1963. Yari ingaragu akaba yarabarizwaga i Manresa (Barcelone). Yari umufomokazi wakoreraga umuryango wa Medecins du Monde Espagne; Manuel Madrazo Osuna, yavukiye i Seville, ku wa 14 Nzeri 1954. Yari yarantdukanye n'uwo bashakanye. Yasize abana 2, na we akaba yarakorera Medecins du Monde Espagne; Louis Valtuena Galleco, yavukiye i Madrid ku wa 07 Gashyantare 1966. Yishwe yari akiri ingaragu. Na we yakoreraga Medecins du Monde Espagne, ariko we akaba yarakoraga akazi ko gufata amafoto, akorera agence yitwa COVER na yo ikorana na Medecins du Monde Espagne. Nk'uko bisobanurwa, umuryango Medecins du Monde wohereje abo bantu uko ari 3 mu Rwanda mu gikorwa cyo kugoboka byihutirwa abaturage bo mu majyaruguru y'u Rwanda mu gihe hari Abanyarwanda batahukaga, bava mu nkambi mu cyahoze kitwa Zaire, ari yo RD Congo. Mu gihe

bari mu kazi kabo biravugwa ko (iperereza) baje kwerekwa icyobo cyarunzwemo abantu benshi cyane, byavugwaga ko bishwe na APR. icyaje gukurikiraho ni uko ngo nyuma y'iminsi 2 babibonye ni ukuvuga tariki ya 18 Mutarama 1997, mu ma saa 2 za nimugoroba abo basipanyolo bishwe na ho Umunyamerika babanaga we arakomereka. Undi mwepanyolo, Juge Fernando Andreu asaba ko bariya basirikare bakuru 40 asabira gufatwa basobanura urupfu rwe, ni uwitwa Isidro Uzcudunpouso. Yari padiri muri diyosezi ya Donosti, akaba ari yo yamwoherereye mu Rwanda. Yavukiye i Pasajes (Donosti) ku wa 24 Mutarama 1931. Yageze mu Rwanda 1964, akaba yari amaze imyaka 37 muri Komini ya Mugina mu cyahoze ari Intara ya Gitarama mu majyepfo y'u Rwanda. Yari azwiho gufasha cyane abakene atavunguye. Akenshi yabaga ahanganaye n'abategesi, abumvisha ko abatishoboye bagomba kwitabwaho. Muri icyo gihe bivugwa ko (iperereza) yaje kugirana ibibazo n'abayobozi ba FPR cyane cyane guhera mu w'1995, yamagana ihohoterwa ry'abaturage n'ifungwa ridakurikije amatageko byakorerwaga abaturage mu karere yari atuyemo. Akaba yarishwe ku wa 10 Kamena 2000, ku gicamunsi, arashwe isasu mu kanwa!

Ngabo rero aba Espanyolo 9 babaye intandaro y'iperereza ry'umucamanza Fernando Andreu, ashakisha abagize uruhare mu iyicwa ryabo. Ibyo akaba yarabikoze, ashingiyeye ku kirego byajejweho n'abo mu miryango yabo, babifashijwemo n'ubunganyira (avocat). Ingaruka zereze ni uko uwo mucamanza yahise afata n'icyemezo cyo gukurikirana n'ibindi byaha by'ubwicanyi byose bikegekwa ku ngabo zahoze ari iza FPR, zaje kuba RDF. Ibyo byaha zishinjwaga akaba yemeza ko ari ubwicanyi bwakorewe

mu Rwanda no muri Congo. Aba basirikare bakuru bacu rero, ibi ni byo bituma bahatirwa kujya kwiregura mu gihugu cya Espagne. Naho ku birebana n'abantu baguye muri Congo, amakuru atangwa n'imiryango mpuzamahanga iharanira uburenganzira bwa muntu, yemeza ko hishwe abaturage bari hagati ya miliyoni 4 na 6. Nk'uko bitangazwa n'abanyamategeko, ngo abahamagajwe uko ari 40, uretse Paul Kagame, ufite ubudahangarwa kuko ari umukuru w'igihugu, ngo bose hasabwe kwishyikiriza umucamanza nta yandi mananiza. Ubundi buryo bushoboka, uretse ko Leta y'u Rwanda itabushobora kuko abahamagajwe ari bo Leta, ni uko baburamishwa, bamaze gusaba uriya mucamanza amadosiye yabo.

Ngo ibyo rero bidashobotse, bitandite bitebuke, ngo bagomba kwashyikirizwa gereza muri Espagne! Abanyamategeko kandi bemeza ko kuba ingingo ya 25 y'Itegeko Nshinga ry'u Rwanda itemera ko Umunyarwanda yoherezerwa inkiko zo mu mahanga, babisobanura neza, bavuga ko u Rwanda nk'igihugu cyasinye amasezerano mpuzamahanga yo mu w'1948, ku birebana na Jenocide n'ibyaha byabiyise inyokomuntu, hamwe n'iby'intabara, ayo masezerano arusha ubumere ingingo ya 25 y'Itegeko Nshinga, kandi ni yo yubahirizwaga mbere. Abanyarwanda kandi bakwiye gukomeza kwizera abayobozi bakuru b'ingabo zabo, kuko n'iyi bakwitaba ruriya rukiko, bagirwa abere, kuko ari abere! Igisigaye gusa no ukugira ubutwari, bakishyikiriza ubutabera nk'uko bahora babikungurira n'abandi baturarwanda, mu bihe bitandukanye.